

HRONIKA

Maskirani i naoružani muškarac upao u restoran Savoja, policija blokirala Bar

🕒 20/08/2019 18:01 Izvor: CdM / Jedro



foto: Jedro Bar

Barska policija traga za naoružanim muškarcem koji je danas oko 15 časova upao u restoran Savoja i sa maskom na licu i pištoljem u ruci pretraživao lokal. Policija je blokirala cijeli Bar.

Portal Jedro prenosi da je maskirani muškarac u restoran ušao na ulaz iz dvorišta ugostiteljskog objekta, te izazvao paniku i strah gostiju.

Užurbano je prošao kroz restoran, zagledajući u svaki separe i ostavljajući utisak da nekoga traži. Nakon nekoliko minuta on je istrčao iz restorana i uputio se u nepoznatom pravcu.

Prema saznanjima Jedra, nema povrijeđenih.

U barskoj policiji su potvrdili da provjeravaju šta se događalo u restoranu "Savoja" koji je inače pokriven video nadzorom.

Podsjetimo, u ovom lokala je prije pet godina ubijen njegov nekadašnji vlasnik Baranin Armin Muša Osmanagić.